



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՀԱՅԱՍՏԱՆԻ ՀԱՆՐԱՅԻՆ ՌԱԴԻՈԸՆԿԵՐՈՒԹՅՈՒՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՄԻՋԵՎ

ք. Երևան

«27» նոյեմբերի 2025թ.

«Հայաստանի ֆիզիկական կուլտուրայի և սպորտի պետական ինստիտուտ» հիմնադրամը, ի դեմս ռեկտոր Տիգրան Սիմոնյանի (այսուհետ՝ Ինստիտուտ), որը գործում է կազմակերպության կանոնադրության հիման վրա, մի կողմից, և «Հայաստանի Հանրային ռադիոընկերություն» փակ բաժնետիրական ընկերությունը, ի դեմս գործադիր տնօրեն Արմեն Քոլոյանի, (այսուհետ՝ Ռադիո), որը գործում է կազմակերպության կանոնադրության հիման վրա, մյուս կողմից (այսուհետ միասին՝ Կողմեր)։

Հաշվի առնելով, որ ընդունում են փոխադարձ համագործակցությունը և փորձի փոխանակումը «Լրագրություն» մասնագիտության շրջանակներում,

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

Կարևորելով «Լրագրություն» մասնագիտությամբ որակյալ մասնագետների պատրաստման արդյունավետության բարձրացումը,

Ընդունելով Կողմերի պատրաստակամությունը՝ պրակտիկ համատեղ հետազոտությունների իրականացման, ուսանողների գործնական դասերի կազմակերպման, համատեղ գիտական միջոցառումների և սեմինարների կազմակերպման համատեքստում.

Հիմք ընդունելով սույն Հուշագիրը և փոխադարձ պայմանավորվածությունները համաձայնեցին հետևյալի շուրջ՝

1. Համագործակցության նպատակը

Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել Հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

- 2.1 Սույն Հուշագրով Ռադիոն իր պատրաստակամությունն է հայտնում աջակցել Ինստիտուտում «Լրագրություն» մասնագիտությամբ սովորող ուսանողների գործնական պարապմունքները կազմակերպելու գործում:
- 2.2 Ինստիտուտը պատրաստակամ է պրակտիկ թեմաներ առաջարկել ուսանողներին՝ մասնագիտական հետազոտություններ իրականացնելու, իսկ Ռադիոն պատրաստակամ է գործուն և առարկայական աջակցություն ցուցաբերել հետազոտություն իրականացնող ուսանողներին տրամադրելու՝ Ռադիոյին պատկանող ենթակառուցվածքներում (ստուդիաներում) անցնել վերապատրաստումներ և պրակտիկա, ինչպես նաև Ինստիտուտի ուսանողներին և դասախոսական անձնակազմին մասնակցել Ռադիոյի կողմից կազմակերպվող մասնագիտական քննարկումներին:
- 2.3 Համագործակցության շրջանակներում Ռադիոն Ինստիտուտին է ներկայացնում «Լրագրություն» մասնագիտության շարունակական զարգացման հետ կապված խնդիրները, իսկ Ինստիտուտն իր պատրաստակամությունն է հայտնում ընդունել այդ խնդիրները և կազմակերպել կրթական ծրագրերի և վերապատրաստումների իրականացման աշխատանքներ մասնագիտացված ամբիոնում:
- 2.4 Սույն հուշագրով Կողմերը համագործակցում են նաև.
 - 2.4.1 Կողմերի ներկայացուցիչներից կազմված համատեղ խորհուրդների ձևավորման, թեզերի պաշտպանությունների կազմակերպման, հետազոտությունների իրականացման և Ինստիտուտի շրջանավարտների աշխատանքի անցնելուն աջակցման հարցերի շուրջ,
 - 2.4.2 Ներդրումային, նորարարական, դրամաշնորհային ծրագրերի համատեղ իրականացման գործում,
 - 2.4.3 Գիտական համաժողովների, սեմինարների, խորհրդակցությունների կազմակերպման շուրջ,
 - 2.4.4 Կողմերի գործունեությանն առնչվող համապատասխան նյութերի հրատարակման ուղղությամբ,
 - 2.4.5 Սույն Հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության՝ ենթակառուցվածքների, տարածքների և գույքի օգտագործման միջոցով,
 - 2.4.6 Երկկողմանի հետաքրքրություն ներկայացնող ուսումնակրթական բնույթի ծրագրերի և հետազոտությունների իրականացման աշխատանքներում,
 - 2.4.7 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու ուղղությամբ,
 - 2.4.8 Երկկողմանի հետաքրքրություն ներկայացնող մասնագիտական և կազմակերպական բնույթի այլ ուղղությունների շուրջ:

3. Համագործակցության սկզբունքները

Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության և համագործակցության սկզբունքներով:

4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր Կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները կատարվում են փոխադարձ համաձայնությամբ և համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր Կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս Կողմին:
- 4.5 Հուշագրի խզման դեպքում Կողմերը պետք է անհրաժեշտ քայլեր ձեռնարկեն արդեն իսկ սկսված միջոցառումներն արագ և կանոնավոր ավարտին հասցնելու համար:
- 4.6 Սույն Հուշագիրը կնքվել է Երևան քաղաքում, 2025 թ. 27-ին:
- 4.7 Սույն Հուշագիրը ուժի մեջ է մտնում ստորագրման պահից և գործում անժամկետ:

5. Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ

ք. Երևան, Ալեք Մանուկյան 11
ռեկտոր՝ Տիգրան Սիմոնյան



Ռադիո

«Հայաստանի Հանրային
ռադիոընկերություն» ՓԲԸ

ք. Երևան, Ալեք Մանուկյան 5
գործադիր տնօրեն՝ Արմեն Բոլոյան

